

樓攻媿文集

廿二卷八



攻媿先生文集卷第三十六

四明樓

論大防

外制

同知樞密院事趙汝愚知樞密院事

勅朕延登樞臣方務親賢之並用權專兵本豈以日月而為功武隆磐石之宗益聳維巖之望具官某仙源有自天分素高發之以場屋之聲名博之以師友之問學論思禁路有真爭臣之風填撫藩方著古循吏之績望之堂堂折而不撓元齡孜孜知無不為卓尔士夫之間居然公輔之器頃為諸案已知許國之忠茲穢機廷尤見愛君之篤俾陞右府之長密贊中

震之謀增衍真腴併昭異數噫三軍五兵之問雖未
至於廟堂一日萬幾之繁正有資於帷幄朕方越拘
擧而圖任爾其勉志力以赴功惟既厥心同底于治
可

吏部尚書余端禮同知樞密院事

勅朝建幾廷實總事樞之要任專軍政尤資副貳之
賢乃圖舊人用稱隆具官某氣和而有守資介而能
通蚤膺茲袞之知徧儀清貫爰列儲闈之屬久事初
潛視身有肅括之稱立朝奏正直之德典銓衡於選
部尤推鑒裁之公守管籥於留都允藉保釐之略召
還位著益簡予衷蓋君臣相知非一日之積而文武

並用何二柄之分屢登朝夕論思之班宜居夙夜宥
密之地啓侯封之士宇界采邑之圭腴噫運籌帷幄
之中當遠追於前躅折衝樽俎之上正有望於壯猶
尚服寵光母贊朕命可

萬鍾司農卿

勅具官某爾以才諳蚤爲九卿去國久之擢冠宰掾
任已之際不見幾徵召封使朝奏論詳雅是用命汝
復長予周稷之任王城內外儲粟動以百萬計上下
仰給事則浩繁往哉惟欽以稱朕意可

通議大夫知樞密院事胡晉臣致仕

勅三年輔政是爲股肱之良一旦乞身欲掛衣冠而

去勉從不請深軫予秉具官某迪德粹和秉心正直
尊賢容衆無一毫忌克之私學道愛人備四時溫厚
之氣察其有守任以不疑典封駁於東臺贊樞機於
西府進參駁擬遂長本兵方期竭節以相資石以况
痾而有請任重道遠知許國之未量名遂功成奚退
身之太早無君子者如蒼生何噫垂事而傳子孫顧
莫回於雅志就第而問籌策尚有冀於壯猶其服寵
光以綏吉履可

胡晉臣贈紫金光祿大夫資政殿大學士
勅抗章自列俯從納祿之言遺奏上聞猶篤愛君之
義驚柄臣之已矣撫往事以愴然具官某天賦純誠

世推厚德仁必有勇立朝多蹇謬之忠正而不它致
主尽忠清之節自登近弼可謂大臣何抱疾之遽深
願辭榮而勇退始猶未許遂不可爲愛之欲其主謂
何恙之不已死者如可微作斯人而誰歸加秘殿之
隆名極文陛之三品倡厥後均賜以官噫命方士而
求馬周空軫如存之念輟餘瓜而奠如晦徒增追悼
之懷願一鑑之既亡嗟九京之何及尚惟英爽歆此
寵靈可

潼川運判劉光祖奏儒林郎知資州龍水

縣楊安益賑濟有方循一資

勅具官某潼川去朝廷遠頃修荒政部使者察一道

官吏之能否以龍水爲最而聞于朝進爾選階以示褒表可

徐元德知均州

勅具官某均之爲州維遠以其控制洞鑿置武當之節使填撫一境任不輕笑爾蚤以經學教授鄉里旋以声望登進朝行二即新安績用祭著部符茲士以惠遠民往哉惟欽益行所學可

太常博士陳棟祕書丞著作佐郎李唐卿

著作郎祕書郎范仲黼著作佐郎校書

郎王爽祕書郎正字蔡幼學校書郎

勅具官某等道山群王之府聚天下之英俊其間所

以涵養器業以爲進用之儲也爾棟以容臺議禮之舊尔唐卿爾仲黼登瀛既以爾爽爾幼學給礼著聞或分典丞郎之職或序進著作之庭校讐未見之書不改共二之故朕優選遴孰邁於此其意矜崇獎之意以爲邦家之光可

太學博士邵康太常博士曾祕國子博士

太學錄雷孝友國子正田澹並太學博

士

勅具官某等博士秦官掌通古今負多至數十人

國朝稽古建官凡以博士名者皆清選也爾康學問

該洽俾議礼于奉常尔祕資稟純篤俾典教子胄學

爾孝文爾澹俱以上庠糾正之職陞教育之任一曰而拔士以十數亦足以知朕好賢之意也其祇明命母曰序遷可

費士寅藉田令

勅具官某朕立賢無方視所爲主苟得茂才多列于朝爾有西州之雋哀然爲舉首薦口旣重又當有以表異之往司帝藉實與容臺清華之選權輿於此惟務請共以迭甄拔可

主管吏部架閣陳希點國子正湯壽國子

錄

勅具官某士修于家而任于朝又典醪庠之教事可

謂榮美爾希點蚤上甲科又爲掌故爾壽首冠南宮未登華途嘉其靜退之風俾參樂育之選雅有聲望司予成規子率以身疇敢弗恪可

湖南提舉郭德麟宗正少卿

勅具官某宗正一星在帝座之東朝廷以屬籍重爲設官以象之卿少之選垂于太常非他寺比也爾以諒直周密又司六察之職出持使節深簡予衷賜環來歸優賓少列豈徒爲養望之地將有以進汝焉可

皇叔祖贈少師士峴追封郡王

勅冠三孤之位旣頒卹典之優疏千里之封更極真王之貴具官某分暉天派擢秀宗支据瑤珩璜允矣

朝儀之肅橐兜載轟居然將聞之崇維平生坐致於
美官而終老不愆於素履逮朕纂承之始方形親睦
之風曾頒爵之未達乃抱病而自晦云胡不淑遂止
於斯噫措躬垂神愴典刑之安在分茅昨土尚冥漠
之肯知周慰爾靈益昌厥後可

士峴女三人並贈縣主

勅某人朕丕承慶基崇篤宗老凡今屬近行尊歷事
三朝如尔父者幾人奄其告終遺奏來上粲然三女
碩賜湯沐朕何慶大邑之封不以慰尔父之意乎益
懋乎彛以對隆渥可

同知樞密院事余端禮初除封贈曾祖母慶

太子少保

勅士有致位廟堂而光顯于時其上世終身布而
追勞於後惟源流必有所自而貴賤亦豈偶然具官
某樂道丘園隱居閭里人無知者實有侔於天我自
得之故無待於外比及三世乃生二樞朕方以諸闡
舊學之臣擢居宥府基命之地首以宮保之亞周爲
曾門之光豈徒顯尔宗之祧抑以爲善士之勸可

曾祖母徐氏齊安郡夫人

勅朕延登儲寮進二樞筦旣已寵及上世又念伉儷
之賢必有以相之者故加以小君之號焉具封某生
大末之區盛偃王之族嬪于良士託以終身諒聞範

之可稱至曾孫而遂顯擇黃岡之佳郡開石窠之新
封賁尔衆局欲予渙渥可

祖鐸太子少保

勅君子之澤既被於後人朝廷之恩宜及於先世有
德必大可考不誣具官某探六藝之遺言爲一邦之
善士維文學行誼不見於用而孝悌忠信能行於家
再傳而具致身樞近推跡先祖之自欲余氏宗青宮
六傳奉以命汝尚惟不泯服茲寵靈可

祖母傅氏高年郡夫人

勅儒者篤行不顯於世而能垂裕子孫則亦惟閨門
能循法度以爲之助追贈之寵歿宜共之具封某謹

七

蘋蘩之儀佩圖史之訓克事君子相敬如賓是生賢
孫爲朕良佐以高都之名郡爲湯沐之新邑惟尔灵
其與享之可

父贈通議大夫繪太子少師

勅信安自趙抃以來仕登宰輔不過三教人我有本
兵之賢固由自致跡夫義方之教當揆所元具官某
秉心靜淵履行淳固分薛包之田而處形於兄弟折
馮驩之券而義篤於鄉閭積善有餘固非一日之力
延師不倦遂成令子之名周旋清班登進宥府密章
加贈屢升法度之階禘廟益親獨筮宮師之選以示
忠孝之效以寬追遠之思可

母淑人虞氏咸寧郡夫人

勅士之家傳固出父師之訓古有胎教實有母氏之賢仕繼顯於朝廷寵宜加於泉壤具封某天資婉嫕婦德靜專謹以事夫遠追舉案之美勤於教子不媿斯箴之言雖魚軒不見於生前而鸞誥屢頒於身後茲錫義川之弮蓋由樞筦之恩慶則有餘澤其艾未可

妻淑人葉氏信安郡夫人

勅大臣許國能有恙羊正直之風夫人起家必如鳴鳩均一之德既資內助之力宜啓小君之祿具封某姆訓是遵壺彛甚飾相尔夫子不以事物嬰其心焉

時名卿得以廉白厲其操位登兩地之貴恩霑三世之先矧惟魚軒宜爾象服視樞臣而命壽就就鄉郡以疏封益肥汝家屬稱予渥可

浙東提舉李謙乞將舍輔朝奉郎一官回授本生父珣贈承事郎

勅具官某故本生父某朕方以孝治天下凡以親爲請者多曲從之爾世有令德躬履持操是生賢子而嗣其克既已能顯其父母矣願捨外郎之一秩求贈本生之二親淳化淳熙况有故事是用寵爾以廷評之階詩不云乎孝子不匱永錫爾類爾子方爲部刺史以此風厲郡邑其助吾風化多矣

本生前母王氏本生母陳氏並贈孺人

勅具官某故本生母某氏尔有賢子出繼伯父既顯其親又追其本生之重願加贈典有司已援旧比且言員外所係爲重而其請於義可矜足以勸臣子榮親之孝朕曰俞哉並進湯沐之封以爲泉壤之寵可

胡澄知光州趙彥珙知容州

勅具官某等光山之右淮右今爲保障之區容管之在廣西舊爲經畧之所選侯而往寄任匪輕以爾起由名家嘗奏郡課爾彥珙秀出天族荐佐藩條往分顧憂當體朕意有政可紀無遠不聞勉哉可

四川總領楊經直寶文閣提舉四川茶馬

勅具官某尔以宰掾之長往餉蜀門之師萬里馳驅之勞計當入境四川權牧之寄尤在得人與其遴選於中朝孰若就煩於便道載頌英蕩寓直寶奎摘山以惠遠人市駿以備戎事惟鄉閭之在望宜利病之詳聞往旣乃心用揚厥職

淮西提舉張同之奏修敗卽安豐軍六安

縣令陸子虛救活被水人一千四百餘

人循一資

勅具官某鼓鍾伐鼗淮有三洲詩人所謂吳嘆也安豐之潦朕聞而念之部使者謂尔有字民之能仍得救災之術進爾一階又以少徇父老借番之意其亦

寵矣益勉之哉可

朝奉大夫知叙州計孝似夷賊作過不能
彈壓降一官

勅具官某夔道被邊郡將實當控御之寄而威令不
申夷獠侵侮驚擾邊氓害及激吏久而後定是不於
汝而誰責哉其上一秩尚思後圖可

朝散郎叙州通判李榘孫節制義軍驚動
夷賊降一官放罷

勅具官某遠夷匪茹侵我王略爾為別駕受師檄而
不進擁義軍以自尊致此猖獗而又貪功倖賞迹狀
昭然削秩免官以示邊吏之戒尚為寬典其務者循

可

諸王宮教授楊大澧國子監丞黃度並監

察御史

勅具官某等憲臺設屬實分六察之司御史虛員當
極一時之選孰堪此任今得其人以尔大法以端恪
之資而達於時宜尔度以深沉之量而敏於吏事旧
臨劇縣俱著能声嘗對便朝各陳讜論尚忠而用夏
政既已先明詔之頒約史而作宋經亦已考遺編之
載並加親擢蓋自簡知爾其助正紀綱振揚風采務
求彌賅之實毋負官人之能可

福建提刑盧彥德本路通判

敕具官某爾屢侍使節爲時老成暫居卽曾復按閩部詳刑之寄方藉於平反將漕之司又煩於調度不改山川之舊仍頌郡邑之條益清吾民以稱朕指可

知郴州吳鑑湖南提舉

勅具官某爾以冊府之英起當郡寄慈惠之政徹于朕聞夫士之務學固將見用也始以宜章之最俾任一州茲由郴陽之能得廉一道矧是湖湘之遠方當旱潦之餘醴茗阜通維攸司之甚重倉廩斂散尤荒政之宜先爾能究心部刺史之職則朕之用汝等而上之庸止此邪可

曾集知嚴州

勅具官某賴川之曾人物相望任至二千石者前後以十數聲績茂焉爾習于家傳有志於古試以郡寄有志於民還奏便朝嘉其詳練惟嚴陵之輔郡實高廟之潛藩分以左符用撫吾民由小州得大州蓋亦寵矣益勉厥職以大爾家可

沈維知房州

勅具官某爾以相家子明習文學自致職任蓋嘗於久廷評爲丞爲正又出爲二千石矣中更閑退閱歲茲深起爾于家俾分房陵之符哉吏愛民省刑節用治郡之大端也爾昏知之奚俟多訓可

知江州王師古廣東提刑知吉州胡長卿

勅具官某等國家分道遣使祥刑為重嶺海之遠尤
遴於擇人爾師古奏潯陽之課爾長卿報廬陵之政
俱以儒雅飾吏踐場歲久授之輅傳其必能為朕審
用刑章平反庶獄使百城之民自以為不冤亦惟休
哉可

吏部員外郎錢象祖陞郎中

勅具官某爾自淳熙初年攝事列曹今二十年矣三
易州麾一擁使節凡今郎吏出入省戶未有如爾之
久者也茲以積考始正其名資望俱高益稱詳練維
日銓法尚服優恩可

新成都府司戶李僑乞將所得官資回授

父証贈迪功郎母廖氏贈孺人

勅具官某士之發策決科以求仕也爾之子萬里造
庭得官名都而求致其事以榮二親此非追遠報本
不可解於心者能之手朕甚嘉之曲從其請予以風
厲四方使知慕焉可

新徽猷閣學士知建康張杓依舊知襄陽

府

勅金陵為帝王之宅方藉於保釐羊祜得江漢之心
爰加於因任具官某忠嘉傳世才智絕人兼言語政
事之科何施不可更彈壓惠良之養政易地皆然惟

今襄陽在昔畿甸暢皇靈於遐徼控天塹於上游謀
師番都已界玉麟之重還車舊鎮諒多竹馬之迎惟
首公而忘私遂聞命而引道吏民如故不煩條教之
載頌城郭重來但覓精明之頓改其祗茂渥以訖外
庸可

左司應孟明中書門下省檢正右司徐誼

左司員外郎

勅具官某等宰掾之重任矣自尔二人爲之實能謹
守程度參稽事宜佐吾二三大臣以平章中書之務
大臣亦言其能朕用嘉之以序而遷滋嚮於用益習
天下之事以昌遠業尚勉之哉可

何澹煥章閣學士知泉州

勅弄大夫之印方渴想於嘉猷分刺史之符尚往臨
於重鎮眷知有素中外惟均具官某名擅倫魁望高
風憲由辟水師儒之任歷騎省爭臣之班披腹而呈
琅玕獨任憲剛之長把麾而去江海更觀吏治之優
矧是泉山實維閩嶠徒得君重勉爲朕行煥手文章
示西清學士之寵凜然風采增南國諸侯之嚴倚闈
報政之期其體頌憂之意可

樞密院編修官呂棐太常丞

勅具官某三丞踴高選而容臺爲最不惟禮樂是司
凡朝廷有大議必咨焉是可以輕界哉以尔奮自儒

科又精吏事持論不苟廉直自將久於編摩擢真華
列惟寅惟清往贊而長可

國子監主簿王源國子監丞

勅具官某曾監以教養之才而金穀細務承實司之
爾父須從班有批勅之風能繼世科風烈未遠久服
勾稽之職就俾序遷資望寢高尚思所以稱其家者
可

監登聞鼓院李友直宗正寺主簿監都進

奏院羅克開國子監主簿

勅具官某等國家銓擇人才進各有叙勾稽之職在
寺則司宗為清在監則胄序為重以爾友直儒學老

成舊傳於素業爾克開士行修飭自奮於世科進官
于朝雅有賢譽俱遷簿領實階華途案務靖共以祗
朕命可

潘景珪知湖州

勅具官某吳興名邦今為輔郡地大而民阜賦重而
訟繁視邦選侯弗以輕界爾練達吏事明習憲章入
從出藩踐舊矣起家為二千石顧豈擇地而後安移
前日彈壓之威而為惠養之政尚優為之以稱朕意
可

沈瀛知江州

勅具官某大江之險分戍重兵潯水之陽踞稱要地

軍民錯處牧御須才爾奮迹膠庠馳聲場屋仕維三已而無愠予豈一端而取人既輟新之行復分共理之寄綏信十同之衆撫安萬竈之屯此而有稱建則未艾可

承節郎叙州管界巡檢程仲乾因夷人作

過被殺特贈兩官與一子進武校尉

勅具官某爾爲微吏勇於捍寇而捐其軀謀雖不足過於逗撓自全者遠矣以二秩告第而官其子庸勸邊臣之用命者可

湖南提刑孫逢吉祕書少監

勅具官某道山群玉之府聚天下英才聞其必又求

才之傑然者領袖之遴選之久今得其人以爾稟之資端方充之以學九流百氏之書該綜無遺良史之爭臣之風爾實兼之頃由少司成出使湖湘刺舉惟公風采凜然是今日第一流人物也還是少蓬孰不曰宜來將來歌以副虛佇可

楚州奏忠訓郎添差副將魏昌教習效用

弩手轉一官

勅具官某爾以名將之子習於戎昭練兵山陽守將以告授之一秩以勵能者可

蔣蘭邵公翰奚士遜邵家並大理評事

勅具官某等理官之屬惟廷評爲甚勞獄成之告必

躬必親非習於文法者不在茲選今又試以經術蓋欲兼用儒者也爾等俱以場屋之舊明司空城旦之書而中其科虛位既久並舉而用各揚乃或使人知引決經之效焉可

太常少卿薛叔似祕書監

勅具官某朕以冊府為重選才甚嚴信宿之間既得逢吉為之二又俾叔似長之所謂朝取一人焉拔其尤暮取一人焉拔其尤士論翕然朕亦自樂於得賢也爾問學淵博論議明辯結知慈皇擢在諫省有古爭臣之風遠乘軺車題二頌臺物望無不宗之既授以太史氏之職復使正此久虛之位表儀雋游儒者

之至榮也雍容養望以俟甄擢可

司農少卿詹體仁太常少卿

勅具官某奉常惟禮樂是司而去古寢遠放失尚多非得博物洽聞學有根據者未易輕界也爾少明經術務為用深願索隱耻一物之不知餉之久蓋已由即省而二大農矣召對雍容效忠無隱其為朕典禮樂之事鍾鼓玉帛抑未也尚求其本而釐正之可

蔡戡司農少卿

勅具官某爾起由名家以甲科自奮登用最蚤敷歷已多深沉之度廉退之節朕知之舊矣比總軍儲嘗二外府并之農扈備予九卿朕欲收拾人才共興治

功覽而奏編又有得士之喜願豈獨望以罔稜之事
然積貯天下之大命也方平糴以爲備尚贊而長使
事集而民不擾則予汝嘉可

新知泉州何澹兩易知泉州

勅具起鎮泉山將趨於閩部易麾鄞水併護於瀛孺
凜聞憲府之名增光制閩之寄具官某受材精敏履
行粹和場屋文鳴蚤先於衆俊朝廷德選寢歷於華
途屬予纂紹之初賴爾論思之益擢居騎省端有古
爭之臣風進長烏臺真得中執法之體遽收朝蹟再
更歲華荐界郡符俾近畿甸地當一面海市三垂蔽
遮瀕河之東控御島夷之外布宣德意豈惟歆田里

愁恨之銷敷暢王靈正欲藉文武威風之重倚聞成
績嗣有殊寢可

知明州朱佺兩易知泉州

勅具官某才有小大之異而選用當適其宜郡有遠
近之殊而委寄之重則一尔詳練世故駁歷仕途鄮
嶺分麾報政久矣温陵改鎮易地皆然此則控東夷
之要衝彼則據南海之都會內修侯度外暢王靈諒
無憚於脩途當復聞於善最可

司農少卿胡瑒湖北運判

勅具官某朕臨御萬方寄耳目於部使者又聞遣諫
官御史爲之俾遐陬之氓如在畿甸矧湖右實據上

游而外臺當軍民錯處之地任願不重哉爾靜外而
明言簡而氣勁一見而決亟寘諫垣雍容論奏多所
裨益乃因引嫌遷二大農丐外再三察其勇退茲用
授爾以飛輓之寄爲官擇人非以遂爾之私因事進
規無忘愛君之意可

高文虎將作監丞

勅具官某朕旁招俊乂布列周行德進言揚如恐不
及矧予太史氏之舊引疾家居十有四年昔病今愈
予環可後乎爾博學篤志承伯父之傳網羅舊聞述
史遷之緒採公之論僉曰汝賢再轉爲丞尚居繕監
賤務清簡可以卒汗青之業毋以匠爲嫌也可

汪梓軍器監丞

勅具官某爾弼之子以才自見出臨邊郡綏靖有方
奉最言歸論奏明辯丞于戎監孰不謂宜矧爾久在
塞垣有志事功除戎器以戒不虞國之務也亦惟欽
哉可

戶部侍郎趙彥逾工部書

勅考六典之書實重冬官之職總百工之事今惟起
部之司乃得宗英俾居常伯具官某聯休天派擢秀
儒科立志孤高萬鍾何加於我持身廉潔一介不取
諸人令名遠紹於聞平惠政徧加於楚蜀任國大計
爲予良臣朝夕論思有猷必告簿書期會惟正之供

勤勞著於累年寵數遂登八座親賢並用朕方隆睦
族之風技巧哉精爾尚敬羞工之命可

攻媿先生文集卷第二十六

攻媿先生文集卷第二十七

外制

四明樓

鑰大防

太府少卿兼知臨安府袁詒友權戶部侍郎

勅朕攬收人才思裕邦用足兵雖急要先足食之言
大計是謀當求大度之士是爲儒者之效孰曰民曹
之難具官某文有英詞神無滯用登館奉嘗接武
於華途旋歷麾符屢策勲於劇部居輦教彈壓之任
知里閭銖兩之姦前張後王聲望相繼東賈西萬豪
猾自消疊膺晝接之榮擢真地官之二損上益下朕

欲圖加賦之寬理財正辭爾尚明蓋徹之意可

直秘閣兩浙運判王厚之直顯謨閣知臨

安府

勅具官某國家駐蹕吳會視古天府民日庶事日繁
師帥之寄尤難其人以爾先世嘗為京尹治行超卓
如漢章尊汝實是似故以命汝自其少時博雅篤孝
世味冲澹若將終身焉一行作吏所至辦治處之以
榮觀而超然投之以劇繁而不亂是宜居此官者輟
自漕臺加界延閣用為爾寵唐人有言鞶韞之下先
彈壓郡邑之治本惠養此言殆未純也五方之民固
無厖雜九縣之衆尤須撫字威惠交孚則為稱職具

稱其家矣可

戶部員外郎黃黼直秘閣兩浙運判

勅具官某部使者之我重矣而畿漕視它路尤劇近
歲率用儒者不惟賦務整辦惠愛遂及于剡河之東
西是不可改也以爾起由膠庠凝粹而開敏嘗使江
東得歛散之宜澄按列城不苛不弛茲由即省付以
漕事寓直延閣以示寵嘉矧在鄉邦周知利病爾能
罷行之下有月旦之評上有公朝之論當不日而徹
聞矣勉哉可

李太守知洋州

勅具官某洋川在東蜀為望郡通倘谷駱谷之道據

黃金成之險賢牧風流相傳左符不以輕界也以爾
家世循良明習吏事雖安於閑退而閱歲已多勉為
一行以副朕選用之意可

虛恨蠻酋首成忠即表弄滿三年轉一官
勅具官某國家銓法文臣以四年或臣以五年乃得
進秩三載考績不以施諸庶僚也以爾慕義中華誓
保西南塞下郡將有請升爾一階益肩乃心毋吝于
舊可

監建康府榷貨務武翼郎趙公遜修武郎

丁昌時收趨增羨各轉一官

勅具官某等摘山鬻海之利權之以佐軍源其數實

繁爾仕陪都歲課登衍何愛一秩以勸後來可

周秘大理寺丞

勅具官某李官之屬率以文法進求其特身無玷缺
以儒術飾吏事者尤難其人爾起名家久於棘寺嘗
為丞為正笑試郡有稱奉最來歸再轉為丞復典臬
事雖若小迂而榮途自此無壅矣可

隨龍御前忠佐馬步軍都軍頭陸安轉送

郎刺史

勅具官某爾事朕潛藩省尾三十載勤且久矣然稍
逾三尺則有司執法以裁正既進六資則朕之寵命
復行上下俱為得體而爾受之亦宜往刺一州益務

忠恪可

浙西提刑葉適吏部員外郎

勅具官某郎選在今為甚重維朝列名流必著外庸而後授今得人物之英為之則又增重矣爾博極群書洞視千古文章之發追配作者頃由丹府試以郎寄臨事之變就界使節以寵之天官名曹實為星省之冠是不於爾而誰屬簡要清通爾其兼之可

判潭州周必大判隆興府

勅詔赴東山已報長沙之政符分南服尚提新府之封乃瞻元台載颺明訓具官某閱深而肅括堅正而裕和極論思獻納之工盡輔贊彌縫之用始終一節

授

光顯三朝進退百家聚英才而在列總領衆職任大事以不疑方安藁館之閑往鎮藩之遠眷懷不替委寄則均改化流行有類上公之分陝威名孚洽共期大老之歸周惟此南昌尤為要地爰命三孤之重式遠千乘之行矧爾寓居之鄉實今賜履之下既喜衣寢近抑知書繡之有光先声所臨群听自聳噫令令行庭戶當還帶牛佩之犢風福及宗師更佇自葉流根之效來綏四國式憲萬邦可

朱熹知潭州

勅具官某十國為連帥帥是寄矧長沙控湖湘上游賜履甚廣視邦選侯尤難其人以爾古學粹深風節

峻特可以為世之師仁心仁聞威惠孚洽可以為時
帥兼是二者往臨藩方聲望所加列城簪服儒先相
望士氣方振爾其為朕教之楚俗雖安尚有凋瘵爾
其為朕撫之典刑所存奚俟多訓可

陳公亮江西運副

勅具官某朕惟郡邑官吏至繁不勝其選故精擇部
使者付以揚清激濁之寄以爾抗直而詳練由宰掾
持七閩使者節按刑畿甸又有能聲是豈可一日使
之家食而不在事易節待次始以徇爾之私大江之
西將輸事重益謹厥職以副眷懷可

吏部郎中林湜太府少卿

勅具官某版曹總國用之要而幣藏分之有司必以
外府處其中所以檢柅財貨之出入不嫌於詳其可
以輕界哉爾奮身儒生習於吏治在縣為賢大夫入
朝為才御史澄按兩道攝承十連皆有聲績徹于朕
間召寘郎闈靖共爾位進之少列以慰公言率屬究
心使上下無足爾其懋哉可

戶部郎中趙謚軍器監

勅具官某戎監之設本以嚴飭武備而休兵歲久繕
修之職各有司存長二亦惟總其凡而已以爾舊弼
之孫克自抑畏久在郎省能寬悔尤序進為長仍攝
民曹往其爾欽毋替于舊可

龍圖閣學士正議大夫韓彥直磨勘轉官
勅夙嚴銓法所以示百僚之公優待從臣猶不忘三
載之考具官某材猷通敏政術闡明歷事三朝負縉
紳之素望投閑十載辨簪橐之舊人心安葉館之居
職寓河圖之峻年勞既久官簿逾高用為晚節之華
其服寵光之渥可

寶文閣學士太中大夫顏師魯轉一官致

仕

勅奉香火於真祠方徇投閑之請掛衣冠於神武遽
騰告老之章雖欲挽留不如得謝具官某性資剛毅
政術疏通幼學壯行曾不渝於一致出藩入從蓋詳

試者累年往使殊鄰抗節不撓進登常伯典銓尤明
一辭宸陛之嚴荐鎮泉山之遠力求閑退方念儀形
不知何恙之深載覽引年之奏俾升官簿以寵老臣
眷簡未忘姑遂明農之志始終無玷尚餘許國之忠
服此恩光體予至意可

顏師魯贈四官

勅垂車得請尚想履聲之餘易箠有言猶存尸諫之
意愴老成之已矣念宜漢以撫然具官某受才高明
植操堅持莅官行法所至有循吏之風憂國愛君直
欲任天下之重獨辭榮於八座乃歛惠於一方身退
而名益彰年高而德彌邵眷舊臣之無幾驚遺奏之

遽聞超進文階仍延世賞仰無愧俯無忤何謝古人
生也榮死也哀終全晚節眷惟英爽歆此寵靈可

正議大夫尤袤轉一官守禮部尚書致仕
勅位列儀曹屢上求閑之請息隆儲案俯從納祿之
私茲焉告歸於以示寵具官某器資精敏學業淹該
隱秩與篇了辨無爽殘膏賸馥露巧為多丹府道山
極一時儒學之選詞垣翰苑兼兩朝制誥之士比訖
外庸進儀清禁命之夕拜有唐人批勅之風擢以春
宮當虞典禮臣之任乃因感疾遽歿榮俾陟崇階
以華晚節李綱乞骸而去官久於尚書孔幾得謝而
歸仍加於禮部尚祇渙渥無媿前良可

尤袤贈四官

勅舊老遺榮猶有留行之意來章載覽忽形垂絕之
言天下慙遺人所嗟惜具官某以時耆德事朕初潛
蚤歲官游殆及玉楊之接晚年貴重遂從園綺之招
古事今事問無不知大言小言進必有補爰暨纂承
之日首參侍從之班召自藩方喜典刑之無故擢居
瑣闥嘉偉直之不衰圖任方深求歸何亟維弗至甘
盤之罔顯恨不許彥博之少閑喪此良臣動予深念
進四階而命秩按三尺以疏息學焉而後臣之正賴
多聞之益死者如可作也抑惟斯人之歸或其有知
毋悼不幸可

起居舍人陳傳良起居部

勅具官某言動之屬史官固有左右之異朝廷之用賢士豈有日月為功試之嘉詳旨則有在爾窮百氏之學發六經之文身方在於布衣名已傳於海內外庸既訖衆望愈歸比再入於脩門寢擢居於清貫叩其著述之業登之記注之司螭陛直前善開明於朕意鳳池共二能震耀於王言執義不回秉心無競稍遷厥職以重此官度幾朝夕之間猶見儀刑之舊載纂高皇之典仍陪元子之游益啓乃心毋忘忠告可

秘書郎彭龜年起居舍人

勅具官某朕脩明官制用之有條識拔人才待以不次惟此柱下史在選列以尤親取之中秘書迨近時之罕有既云遴選安得異辭爾操守堅剛論議剴切端公辟屬贊臺院之宏綱冊府為即號士林之翹楚擢賓螭頭之直俾陪豹尾之班不循年限而授官此深得用魏暮之意掌錄時政以付國史尚克遵唐室之規益效忠猷以酬異渥可

朝請大夫權刑部尚書京鏗磨勘轉官

勅六卿之分職皆吾從橐之臣三載明優爾吏銓之制具官某謀宏達識度恢洪頃膺茲宸之知徑上甘泉之列張禮而使萬里折戎虜以不驕叱馭而鎮

西川撫民夷而咸服召登宸陛擢實秋官茲年勞應
于治典爰峻文階之等益增禁路之光尚服恩榮式
殫猷告可

兵部尚書羅點落權字

勅尚書古之納言必求德望之妙武部周之司馬實
惟邪止之專肆疇已試之良爰錫焉真之寵具官某
訏謨經遠雅量鎮浮蚤歷近臣自有老成之譽素多
仁聞仍全剛毅之資推愛人利物之心為致君澤民
之業詞振久推於潤色經緯尤賴於講明旋登听履
之聽兼葢典銓之重儀刑朝著滿歲已深領袖從班
優賢可後有常德以立武事正需舊章之規以軍令

而振國容方倚壯猶之助往祇成命式贊永圖可

兵部侍郎耿秉落權字

勅朕旁招賢士遴選從臣惟我舊人載處五兵之二
不煩滿歲遂煩一札之書俾正厥名敷告于衆具官
某性資剛果器識洪深夙志功名善談當世之務屢
更事任專以斯民為憂故典州則千里奉安而將命
則列城蒙惠徧儀華貫寢簡予秉掄才甫上於禁途
引疾遽收於朝蹟勿藥有喜盍歸乎來留賓還職方
藉論思之益頌全晚節尤高廉退之風乃知真除俾
鎮雅俗橐弓雖久豈忘武備之脩持橐甚休益謹忠
猷之告尚承至意毋有遐心可

工部侍郎謝深甫落權字

勅朕昭德塞遠臨政願治乃瞻吉士荐蕙夕拜之官
樂聞嘉言俾立冬官之二因云試可實示褒升其官
其性稟粹純行能膚敏被 聖父非常之遇膺周行
不次之除嗣服云初首居即省量才既審擢實諫垣
願 聖望之益高豐之奏為之切當晉登左陞咸推
記注之功就尸中都更資彈壓之重持橐優遷於赴
部典銓仍領於選曹載輸批勅之忠尤見愛君之篤
豈應久次宜遂為真疇若予工匪求精於技巧毋替
朕命尚益效於論思可

汪德翰知崇慶府

勅具官某始吾 高祖開公社之封實自蜀國尋以
崇慶名軍蓋久而後冠以府號地望滋重矣選侯可
輕乎惟爾祖首貳先師府以佐中具爾為恂恂克守
家法簡池之政平易無華界以左符往守茲蜀念之
哉無忝爾祖則不負寄委此邦之意可

官人符蕪兼轉承寧郡夫人李進進轉通

通郡夫人

勅朕飭修內治靡形色選之私周覽掖庭爰秩婦官
之序有嘉女德用錫命書具封某婉孌自將柔良有
素知小星人心之美不見驕盈承稔木逮之恩惟加
肅謹寢歷歲時之久備彈夙夜之勤分樂所以疏封

賁小君而示寵其祇渙渥益懋芳猷可

汪義端知舒州

勅具官某准右諸郡賊優而事簡舒其尤也爾登
甲科蔚有望時近膺親擢欲振臺綱引去翩然留之
不可爾才辨劇屢更盤錯是邦簡靜游刃有餘其與
斯民相安於無事以稱朕安邊固圉之意可

集英殿脩撰知紹興府趙不流知廣州趙

彥操賊事脩奉並除煥章閣待制

趙不流

勅報政輔藩又見期年之變疏恩中宸載加禁路之
榮具官某慶席仙源才優吏道頃由輦轂彈壓之任

遂為朝夕論思之臣實婺分符備著蕃宣之效會稽
奏課曾陞論議之華日坐黃堂庭無留事風行黔首
特有蒼言登之持橐之聯壯我維城之勢帥臨十國
方為久任之圖位列四松不減近班之寵尚祇明命
以訖外庸可

趙彥操

勅帥聞雄尊著南海于蕃之蹟墨書勉勵陞西清次
對之華惟我宗英被茲渙渥具官某才猷敏邵季識
該通蚤膺 聖父之知超賓列卿之長俾兼天邑有
趙張之威名進攝地官孰研索之心計一辭位著久
閱星霜姑蘇宣三載之勞章貢總敷州之重頃踰使

嶺往鎮藩禹撫蠻徼以不驚惠賈誼胡而無擾載嘉
善最俾正從臣望雲以求蓬萊毋謂行之遠把麾而
去江梅乃通豹尾之班茲日殊恩益圖來效可

端明殿學士止奉大夫致仕鄭丙贈四官
勅引年已久無復尚書之履聲遺奏忽聞度幾太史
之尸諫舊臣無幾恤典宜加具官某氣直而能溫性
剛而喜下立朝正色為多士之表儀典選盡公墓古
人之風裁荐更名郎遂返故鄉奉祠館以頤神據禮
經而告老謂因閑適可迪壽康不知何恙之深遽起
云亡之歎疊升命秩仍茂賞延八座班高篤始終之
不替九京恩及尚英爽之有知可

資政殿大學士通議大夫范成大轉一官
致仕

勅圖舊人而共政方媿未能引大體以乞身胡為有
請嗟名臣之老矣撫往事以慨然具官某俊逸不群
風流自命文章甚偉崔蔡誠不足多制誥尤工王楊
當為之伯緒餘所出施設具宜桂海永天宣皇靈而
益遠瀛壖蜀道專制閩以增雄是誠宣力於四方宜
俾進官於兩地出司留籥遂奉祠應用之未及其才
退而自求其志卧公幹漳濱之疾掛隱居神武之冠
寵數弥光典刑斯在噫育中之有兵甲世稱小范之
才高扁舟之泛江湖或謂鳴夷之仙去昏爾鄉閭之

舊豈其苗裔之餘無忝前良以全晚節可

范成大贈五官

勅舊弼遺榮方遂垂車之志需章上奏恐聞易簣之
言天不憖遺人其殄瘁具官某身登二府仕歷三朝
詞章議論之高無慚古昔東西南北之表咸著威名
曾輔政之幾何乃居閑之寢久九齡之風度可想晉
公之神明不衰石湖忽墮於文星壽樑遽成於陳迹
云乎不淑而至於斯念三吳人士之無多嘆一代風
流之幾尺躡五階而進秩按二品以疏恩噫三仕三
已而賦歸豈復計生前之事一官一集之傳遠尚得
垂身後之名其或有知當自無憾可

軍器少監黃由將作監

勅具官某朕有元子愛之固深而教之惟恐不至一
時賓僚極儒孝之選爾以倫魁之彥久儀群玉之府
侃侃正色抗論不回自少既而為長蓋亦寵矣技巧
精能非以此望汝也橫經朱郤使吾兒有直諫多聞
之益是惟休哉可

夔陟公師之亞仍加世賞之延噫死生旦晝之常固
遠人之所諒君臣始終之分豈郵典之可稽慨想冥
途尚歆異渥可

湖北提刑張垓江西提刑知池州王謙湖

北提刑

勅具官某等 祖宗哀矜廢獄分道置使前古未有也朕承丕緒允遴於擇人爾垓名臣之子尚有家法爾謙儒林之彥尤長吏之才大江之西人之終訟為能重湖之北民有敢攘之擾各務澄按卹民之可矜懲吏之無良使遠方之人自以為不究朕將有以褒表之可

朝議大夫煥章閣待制馬大同磨勘轉官勅一麾出守實吾從橐之臣三載陟明優爾吏銓之制具官某器資精敏心計疏通比從惟月之班徑上甘泉之列民曹治賦更嘉獻納之忠京口分符備著藩宣之效年勞寔及治典可稽俾序進於文階以增

光於侯度往其祇命益務告猶可

吏部郎中錢象祖樞密院檢詳

勅具官某天下之兵本於宥庭詳屬掄才實視宰掾非夫詳練敏明之士不在茲選爾起於重珪疊組之家而以書生自處蚤更事任若老於州縣者出入即省殆二十年敏而不疎審而無滯贊吾樞臣爾其選益勉所長以俟登用可

太府丞曹三聘祕書郎

勅具官某道蓬萊圖籍鉅萬士天仰望真有馳車羽輪之隔游其中者皆天下選也以爾力學自奮持論不阿憂國之心如飢如渴擢自外府徑登清貫益讀

未見書以昌遠業且使四部秩然有序是為稱職哉
可

大理寺主簿王寧新知信陽軍劉崇之並

太府寺丞

勅具官某等寺監皆有丞而外府設官獨詳焉蓋欲
上裨版曹之調度下振有司之出納不可以非其人
也以爾寧文詞蔚然明習吏道句稽棘寺平反為多
爰俾序遷以酬勞勩爾崇之聲稱籍甚蚤登著庭出
守邊方占對尤敏使還朝績以尉公言所貴於儒者
為其能通世務其以所學見之事功勉哉可

宗正少卿鄭汝諧右文殿修撰知池州

勅具官某爾以科級自奮以才諳見稱持節分符俱
有聲績登之卿列進攝禁途迨命為真乃有異論朕
方遴論思之選屢欲番行爾乃陳去就之義力求引
退昇以右文論讓之職往撫池陽周察之餘式遣其
行慰彼黎庶可

忠翊郎屠思正監轄製造

御前軍器所

實及五年轉一官

勅具官某除戎器以戒不虞國之務也爾職其事遂
閱五年何愛一官以獎勞勩可

壽聖皇太后慶八十詔書文武陞朝官等

加封祖父母父母定詞

臺諫卿監即官以上封祖父并父

勅具官某父某朕日 慈皇推尊 祖后母儀備三

朝之盛壽簡增八袞之崇奉徽稱於日長講慶禮於

元正之始爰本親親之道用推老老之思以爾積善

有餘潛光不試粵有賢子繼父云揚於王庭臺官云列屬

列在月卿即官云列在名曹都司云宰掾是司 聿觀緝典之行可後高年之渥爰陞

命秩以示寵光益務教忠以用顯報可

臺諫卿監即以上封祖母并母

勅具官某母某氏朕日待 慈皇推尊 祖后母儀

備三朝之盛壽簡增八袞之崇奉徽稱於日至之辰

講慶禮於正元之始爰本親親之道用推老老之思

以爾婦道素全壺彝甚懿粵有賢子祖母云揚于王庭

臺官云列屬憲臺卿少云列在月卿即官云列在名曹都司云宰掾是司 聿觀緝典之行可後高年之

爰加沐邑以示寵光可郡夫人爰封名郡

職事即內外陞朝官京局京官選人京官選人在外

勅具官某父某朕以 祖后壽登八袞恭侍

慈皇奉上萬年之觴爰推老老之思以廣親親之道

以爾潛光不試積善有餘祖母云母云壺彝子仕朝行身

途慶霈祖父云孫仕朝行朝官云子通朝籍京局京官 爰加異渥

以惠高年可

知樞密院事趙汝愚初除封贈

魯祖太子少保士慮太子太保

勅我有宗臣進長樞筦雖循牆而避寵終出綽以疏
榮貴震一時恩及三世具官某分暉帝胄履善家庭
九族序遷曾不登於膺任百年隱行乃有見於後人
惟爾曾孫既登右府亞於宮保已貴幽原爰加再命
之崇遂列三師之重前無舊比殫有餘光可

曾祖母高平郡夫人龔氏文安郡夫人

勅位尊任重必有家傳積厚流光亦由聞政恩既加
於曾廟封宜進於小君具封某以柔淑之資嬪信厚
之族維中饋之識無顯於外而內則之懿能肥其家
逮三葉而益昌位元樞而鼎貴載加名郡以表方猷

可

祖太子少傅不求太子太傅

教紫樞元臣方隆於同姓青宮亞傳常寵於大家位
既愈崇恩亦宜稱具官某奕奕帝王之胄恂恂儒表
之風教子以經至孫而貴鳴珂佩玉雖不見於生前
疊組重圭乃追榮於身後進登一品以慰九京可

祖母咸寧郡夫人晁氏濟陽郡夫人

勅世胄高華本由濟北之族慶源流衍實自招南之
風具官某躬蘋繁之勤遵圖史之訓功容俱備典則
不渝教子有方能甘啜菽之養撫孫甚愛真有舍館
之歡茲領樞庭以翊吳運頃嘗頒於沐邑俾載於郡

封爰分廣濟之名式慰謹忠之意可

父太子少師善應太子大師

勅眷我維成固多將相侯王之貴惟爾有子遠為股肱心膂之臣可無寵光載篤餘慶具官某家法有自天資尤高及見太平猶記開元之際結交前輩尚聞正始之音躬曾閱之孝欽慕間平之儒雅爰謹家庭之訓遂傳宥府之賢乃進宮師以彰陽報其祇明命益啓後昆可

母安郡化夫人李氏饒陽郡夫人

勅愛君憂國繫我本兵之良媿德娘賢可後榮親之渥具封某稟資柔懿植操幽閒以澤底之名歸天潢

之支派中閩甚肅不辭舉案之勤令子著名端自斷機之訓云何不淑其後遂具荐啓博陵之封以示冥途之寵可

妻鄱陽郡夫人徐氏通義郡夫人

玫瑰先生文集卷第二十七

玫瑰先生文集卷第二十八

四明樓 鑰大防

外制

大中大夫沈揆轉一官守權吏部侍郎致仕

敕侍朝甚喜方儀荷橐之聯何恙之深忽上卦冠之請初不聞曾子之疾巧欲為疎傳之掃具官某又有菁華學稱博雅頃屢登於位著矧夙備於儲察嗣服云初首頒於負節殿邦既久終入於從班謂某教氣之兼昇以二銓之重預修史策勤講經帷造鄰陳謨曾未挾日抗章告老胡不待年許尋里社之閑仍守

天官之秩子騫之在汶上莫遂稅留公幹之卧漳濱
徒深懷舊尚祇渙渥以保修名可

沈揆贈四官

勅孟軻之致為臣方軫留行之念曾參之啓予手忽
聞將死之言撫往事以何追嗟若人之不淑具官某
老於文學志在事功博極群書而發於英詞上下千
載而見之篤論任握節分符之寄所在著稱登簪筆
持橐之班於時未久抱有自列納祿言歸當危懼以
奏篇眷忠勤而隕涕爰加卹典悉按尋章進官序以
甚優界賞延而不吝尚惟英爽歆此寵靈可

皇太后慶壽武學生加封祖父母父母定

詞

上舍內舍生

勅具某人父某朕以 祖后春秋益高乃月正元日
恭侍 慈皇仰奉慶禮錫類之恩溥及中外一命而
正祖父母父母壽登八十者始得與此爾年方縱心
以有子列在右庠嘗與舍選寵以命秩祖父并父云進如命
秩祖母并母云寵以
恩最為優異其服明煥以迪壽

外舍生

勅具某人父某朕以 祖后春秋益高乃月正元日
恭侍 慈皇仰奉慶禮錫類之恩溥及中外惟爾有
子祖父母
云有孫列在右序年登八袞寵以恩封父母同詞如封
云如進恩封其

服渙恩以緩吉復可

勝捷下名都虞候揚彥換從義郎王撤換

秉義郎

勅具官某汝久隸羽林積勞可紀授以勇爵實應舊章往其欽承益務忠恪可

正進之知德慶府

勅具官某爾頃以天府二車往守武陵突不得黔已復報罷朕心憫焉晉康遠實高皇興王之地舉以授汝以觀能汝尚其懋哉毋替朕命可

大理寺丞林季友吏部郎官主管侍郎右

選

勅具官某郎曹二十有八莫劇於武選文書盈几難以徧察涉筆占位猶恐不暇非靜而敏者未易得其要領也尔以儒者而通世務祠川奉最再轉而承于廷尉未乂也選居星省遂典三銓鵬弁之士惟吏是听雖有抑滯不能自伸尔其念哉勉贊而長可

浙西提舉黃適本路提刑

勅具官某三承出擁使節還為郎曹者多以矣爾之賢列屬憲臺承于中秘使事修舉宜俾未歸浙河以西服爾清裁爾亦以靜退自處無羨於登仙就易祥刑之司以為畿甸之望表廉幹做墮偷民以不寃清我臬事朕豈使爾徒久於外哉可

宗正丞鄭公顯折西提舉

勅具官某朕惟倉庾斂散之法山海摘蕞之利分道
置使所任甚專畿甸之間選用尤重以爾學贍而文
敏外寬而內剛進承司宗華問祭暢兼掌民表蜀詞
最上持節而行去天尺五酌豐歉而賦政辨能否簡
僚惟爾之能思所以稱可

龍圖閣直學士程大昌除龍圖閣學士致

仕

勅引經告老為神虎掛冠之歸念舊疏榮俊龍馬負圖
之職以優耆德以表高風具官某秉操堅剛著書淵
博蚤游丹府擅溫厚爾雅之文晚侍儲闈賴直諒多

聞之友十年筆橐人望素隆數路麾符民庸益著高
蹈囂塵之表久從香火之閑年既及於縱心志欲祈
於納祿羽翼之資黃綺毋忘代木之詩丘壑之有臯
夔當遂考槃之樂尚祇明渙式介蕃釐可

太府寺主簿林思齊大理寺丞

勅具官某先王用刑之法莫詳於甫刑一書有曰故
乃明于刑之中率乂于民棗彞爾咨以經術充多士
嘗誦其言矣入仕朝行有靖共之譽廷尉選丞以爾
為之其試所學以廣朕欽卹之意可

主管戶部架閣孫元鄉太學正

勅具官爾以甲科自奮用為掌故之官中更艱棘益

以而後得之退然自牧亦既再歲賢閑清選爾宜居
之子率以正孰敢不正橋門之士將於爾觀焉可

修職即權建寧府政和縣尉胡杞擒獲許
伯詳等循兩資

勅具官某警捕尉曹職也姦民寇攘爾能致之建師
有言何慶旌賞可

余永弼知閬州

勅具官某閬風錦屏之勝士誦少陵之詩恨不得身
到其地爾乃以二千石臨之豈易得哉爾起儒門萬
里入蜀荐更事任雅有能稱郡寄寢高事權益重無
輕民事老勤小物則可以稱此矣可

王寅知江州

頗具官某長江上游以尋陽為重鎮分屯禁旅控禦
一面守將非他郡比也以爾三領左符老於吏治番
易之政人多稱之其殫撫字之心無改中和之舊使
兵民晏然隱若敵國則不負選侯之舉矣

丁逢瀘川府路轉運判官

勅具官某爾有志當世結知 慈皇守柳陽使湖外
又皆有聲績可紀今日有用之才也東川飛輓之重
不以輕畀叱馭而往毋憚馳驅撫摩吾民廉察群吏
以稱外臺耳目之選是惟休哉可

謝源明直煥章閣知溫州

勅具官某朕遴選諫臣以廣所覽爾頃居九列旋冠
宰掾察其堅正擢在騎省論事不回方嚮於用御恤
而歸念之不忘亦既即吉起鎮東土惟永嘉在左瀕
為望群山川秀發衣冠鼎盛四邑相去才百里而負
山並海壤地深遠人物日庶事亦滋繁非得精明和
惠之人未易辨治爾其人矣克章寓職以充爾行俟
訖外庸登進未晚尚其欽哉可

幹辦審計司范蓀太府寺主簿

勅具官某蜀之范氏如晉王謝人物輩出文獻相望
爾在今日又其翹楚也以世科發身以吏課交薦其
在朝列退然若無所脩綜者而人身稱之句稽外府

姑以序進勉紹家學以稱所蒙可

趙像之福建提刑

勅具官某七閩祥刑之寄選於衆久矣以爾被服儒
雅屢持使節往司宗盟聲望日著雖無與於吏治已
習知其民風就乘輅車不俟臨遣所訟吾猶人也必
也使無訟乎聖人之言固未易及得情勿喜尚惟勉
旃可

江東運副傅伯壽直煥章閣

勅具官某朕惟列祖聖學高妙昭回之光下飭萬
物煥乎文章尊閣誰謹寓直之寵不以輕畀也以爾
天資警敏一日千里詞章精贍連三科登著作之庭

于今十有八年矣按刑將溥益著外庸爰錫寵名以示褒表討論潤色豈其舍諸可

朱翱大理寺丞

勅具官某蜀爾祖光輔 恩陵爾父又登從列君子之澤未艾也爾被賞延乃能明習之法致身廷評出守辰陽奉最以歸進之棘丞榮路無雍益勉厥職無忝爾先可

淮西運副趙師霁太府少卿淮西總領

勅具官某國家分屯重兵布列江許董餼之任必選朝士臨之而陵莫重焉爾決科自奮飭金以儒雅有志事功所至辨治嘗使京口見謂敏明准旬錢弊更

更張之餘賴爾撫摩調護之力民情悅服賴益彰茲以亞卿往司調度足兵足食復於爾觀焉尚殫爾心以副詳試之意可

廬州修城官脩武郎建康都統司中軍權

副將馬再具武顯郎左軍統領毛致通

武經郎左軍統制馬適各轉一官

勅具官某等合肥當淮西一面俾葺堅城以固吾圉率衆屯工汜底于成各進厥官庸勸勞勤可

同安郡夫人武氏進封才人

勅朕肅正宮闈日修於內則整齊品秩尤戒於私恩必有柔儀乃容序進具封某稟資媿媿履行純和久

承膠木之慈得備貫魚之列疏封名郡錫號小居知
闕時之滋深嘉率職之無怠登之女御我壺彝位幾
近於九嬪爵亦儕於千石帶弓箭而侍君側吾豈務
於燕游理絲泉而獻歲功爾尚勤於蠶織可

知建康府鄭僑吏部尚書

勅司筦簫於留都方資賢牧典銓衡於選部當任舊
人乃播綸言載儀禁路具官某性資剛毅學力精深
聲華蚤著擅於倫魁名節尤稱於傑特訓辭溫厚信
獨步於一時朝夕論思率主盟於公議施由夕科進
長天官閩部選侯游更鎮撫秩陵謀師復藉保釐屬
典宣室之思俾趣鋒車之召渴聞讜論日佇尚書之

復声器使郡才更賴山公之啓事毋庸俟駕亟遂歸
班可

趙師程大理寺主簿

勅具官某朝行簿領之官勾稽之外職業素簡惟理
官設屬則有近制廷評奏當之成俾分考而訂正之
遴選非他比也以爾天潢之秀儒雅自將試邑州佐
遇事不苟且嘗列于朝矣其服朕命益觀汝能可

翰林醫效王懋兼重華宮祇應 實及二

年轉一官

勅具官某朕祇事 重華尤謹於藥石之奉爾以瘍
鑿奉朕惟謹亦又再歲在法當遷俾陞爾階其思所

報可

俞澂知常德府

勅具官某武陵為湖北名邦以壽皇潛藩地望增

重總教州之戎控五溪之喉衿未嘗不選侯而用焉

爾出儒門明習文法有公廉之操得溫厚之稱嘗守

高安政適其平即曹卿寺踐歷滋久起家剖符往鎮

遐服明听朕言無輕民事可

中奉大夫煥章閣待制知鄂州王信磨勘

轉官

勅一麾出守久著於民庸三載陟明適登於吏考乃

頌恩命俾進文階具官某性識疏通材猷敏邵西掖

擅演綸之美東臺高批勅之風易鎮會稽暢威名於

近甸分符鄂渚增形勢於上游茲以年勞應于治典

雖曰有司之定制是為增秩之殊榮益圖爾功以謹

忠報可

知明州何澹母太淑人石氏該慶壽恩

封齊安郡太夫人

勅朕禮厚兩宮當累洽重熙之際年登八袞奉

隆慈備福之尊乃推老老之心庸廣親親之道具封

某氏起身族嬪于大門善相其夫為部使者之貴親

見吾子任中執法之嚴方乘軒以就祿養遊國家

之慶需開湯沐之新封位正小君爰擇黃崗之勝恩

龍晚歲式增彤管之華益介壽祺以儀閨闈可
太府少卿吳珽太府卿准東總領
勅具官某國家東巡吳會列成江淮佳此丹陽尤為
近屏護餉既久可後褒升爾儒雅雍容克勤吏道詳
歷版曹司金之職遂登外府亞卿之華頃以王臣往
給軍食調娛酬酢上下帖然就如惟月之班其服自
天之寵勿替于舊益圖爾功可

迪公即李閱父儀甫該 慶壽恩封承務

郎致仕

勅具官某爾積行有素年過九齡有子在官實應封
典授之京秩以為爾寵可

官人張氏封郡夫人

勅朕日听外朝退脩內治婦官具設尤嚴陞級之分
息命所加必視功容之懿具位某氏雅稱柔履選自
良家事官壺以服勞閱歲時而滿久啓封名郡進位
小君仍頒祿秩之優庸示禁庭之 祇渙渥益懋
芳猷可

訓武郎臨安府湖州延轄通鋪梁青遠滯

金字牌降一官

勅具官某置郵所以傳命令違章奏劾制閭動係邊
事可少稽手爾怠于職行不以時奪爾一階以懲不
恪可

國子錄陳筵武學博士

勅具官某爾掌教國子蔚然有稱嘗對便朝論事尤切長於右學益觀通才武尚上戈兵實貴謀其以斯意訓迪學士庶幾得有用之才以備將帥之選焉可

王介國子錄

勅具官某士登甲科立致職仕亦惟行誼有以稱則得之斯無異舜禹當飛之初居俊秀前列列輔邦入幕以儒雅飾吏是能稱此科級者擢居冑監典我教事又能稱此使學者宗之則爾之進未艾也可

樞密院編修官許介宗正丞

勅具官某司宗有丞在頌臺母府之間非列寺比故

其選甚高爾蚤擢乙科嘗試劇縣 慈皇聞其善政就加增秩之寵再入修門其才益著比以編摩之職攝郎省參宰掾矣茲登清途預脩寶牒益謹厥職以究爾長可

王浣戶部郎官

勅具官某版曹掌國之大計而左民尤為繁劇州邑之訟有不得其平者率造焉思得疏通詳練之士久矣爾源流家傳緣飭吏事往使于蜀精敏有餘操贏質以蘇疲瘵嘗加詔獎召對便朝審其可用往振茲職益觀汝能可

夔路運判馮震武戶部郎官四川總領

勅具官某朕惟武王不忘遠之意西南萬里選才尤
詳矧總餉之寄動關軍國見大夫臨遣而行或不及
事爾蜀國之彥嘗列于朝觀風夔門能宣德意如以
民曹之職就董五十餘州之賦以給營壘之師民力
困矣軍須方繁足食之兵佇觀儒效可

太常寺主簿張貴謨司農寺丞

勅具官某爾學術該通論議根劇一時清流也頃試
劇邑乃有能聲蓋嘗見於用矣勾稽領臺進丞農扈
雖曰曾與禮樂制作之事要須詳試簿書期會之間
爾惟通才其體此意可

太社陳峴太學博士

勅具官某爾以紹興法從之孫自奮宏博之科宜仕
于朝久矣徊翔幕府列屬容臺賢士之闕師儒虛位
疇咨多士僉曰汝宜溫故知新爾其自勉可

判建康府葛邲改判隆興府

勅由端揆以殿邦允籍保釐之畧為上流而易鎮更
資撫御之才爰授左符載揚明綽具官某謀猷宏遠
德度恢洪三世名儒益致家聲之顯兩朝異眷遂專
國秉之隆矧惟舊季文臣久處洪樞之任密參廟筭
旣兼文武之資祈改政機遂付軍民之寄加延恩而
寓職視上宰以疏榮碩陳義以甚堅為相攸而改命
襟江帶湖之地可以優賢皆耕田鑿井之民正宜坐

嘯其為十連之帥式遘千騎之行噫嘗本五兵彌竟
偃藩之重周萬務豈云歛惠之佳尚詆外庸益綏
休寵可

新除吏部尚書鄭僑龍圖閣學士依舊知

建康府

勅召選選部行領從臣之班居守陪京復分方勅之
任選用之遴中外則均具官某望重兩朝才衆俊
以三代之文掌我帝制以六經之學格於君心頃由
天官出鎮閩部旋界保釐之寄實鎮撫之功尚書
喉舌之官固應圖舊河東股肱廊廟別荒政之方修亦
遜章之咨至俯徇借之志益高難進之風龍閣陞華

用為爾龍麟符增重克成厥終益著外庸以綏渙渥
可

知臨安府錢塘縣趙盛太社令

勅具官某惟爾先正光輔高皇配饗廟廷燕及後
裔凡爾昆弟序進于朝社稷之司不以輕捷靖共爾
位毋忝爾先可

新知潼川府楊虞仲直祕閣知夔州

勅具官某夔子之國號稱夔門蓋蜀川之喉衿也謀
帥之重實難其人爾西南望廿三持使節蜀之民服
爾名已久爾亦習知風俗之詳矣潼川未行易鎮茲
部寓直中祕以為爾寵民生凋瘵非他路比罷行利

害沆可小康其尚勉哉以稱推擇之意可

進士張昉陳舜咨賑濟補承節節

勅某人荒政之修勸分為急爾出私儲以濟飢民何
處一官用勸來者可

承信即推貨務檢法使臣錢燁收起增羨

轉一官

勅具官某權山海之利以佐邦儲賞典最厚爾奔走
其下亦預進官尚勉公勤思有以稱可

陳謙變路運判

勅具官某夔門為蜀要衝川陸險絕刀耕火種民生
甚艱將輸之寄甚重即計實仰給焉非通敏之士不

在茲選爾有用之學荏試劇繁以南蘭陵吏課之最
領湖右斂散之權茲為朕行調度一道撫惠疲氓務
去泰甚使田里得以安其生則朕之願憂寬矣

知台州徐子寅廣東提刑

勅具官某朕念廣東憲臺之重疇咨其人思得資高
而練事法明而尚寬者居之大臣謂爾為可且曰是
嘗為鄉為部使者帥惟揚笑中更退閑起為漢東而
治辦丹丘之政民安而歌之使持節以按嶺海其必
有以稱欽卹之意朕曰俞哉式邁其軀毋替朕命可
奉議即提轄推貨務謝儼收起僧羨轉一

官

勅具官某推筭之繁總于京邑爾不欺于職濟以變
通歲入之貨坐致贏羨可無褒賞以勸後來其祇增
秩之恩益謹有司之守可

提點坑冶鑄錢趙不迹淮南運判

勅具官某朕惟外臺飛輓之司莫如東淮委寄之重
兼憲使刑辟之任當使客冠蓋之衝敷求通才得我
賢族以爾奮由科叙尤精吏能擁麾啓於三州屢書
課最總貨泉於六道式阜邦財俾行邊疆進專漕計
尚思忠報益著外庸可

文思院造

皇太后尊號冊寶監官從政

即陳庶監門儒林郎黃概各循一資

勅具官某朕以月正元日奉徽稱于祖后白玉之
牒鏤刻甚工黃金之璽一鑄而就雖曰有司之職實
惟蒞事之勤各進爾階庸示嘉寵可

幹辦審計司劉誠之太常寺主簿劉德秀

大理寺主簿

勅具官某等列寺之屬皆有勾稽惟容臺禮樂是司
實與討論之事惟廷尉刑獄至實分讞議之司銓叙
人本二者尤不可輕也以爾誠之声称籍甚持以靖
共爾德秀文采蔚然不事表襮茲庸並命其進未失
尚體優恩各揚乃職可

福建提舉張濤提點坑冶鑄錢

勅具官某國家分道遣使各揚乃職惟貨泉之寄總
六道百郡之權歸于一大有司視漢之鍾官辦銅其
重甚矣非得通儒不以輕畀以爾抱負不凡詞章精
贍出入朝行見謂老成使于二部皆有聲績舉以命
汝甚為朕謹調度察奸欺使邦財阜通朕豈久汝于
外哉可

宋之瑞福建提舉

勅具官某爾以儒學之秀三仕于朝滋嚮於用而又
引去朕亦念之七閩歛散之司職優而事重疇咨庸
使赴爾于家士之宦學不以仕己為喜愠上之用人
豈以中外為重輕爾尚勉旃以候光寵可

從政郎揚州司法林舜搜獲銅錢循一資
勅具官某邊郡嚴錢弊之出而吏多不虔爾能摘伏
正其罪選階之進以懋爾勤可

四川量試宗子伯揚時敏補承信郎
勅某人爾在屬籍遠處蜀道能以文藝優占科級錫
之武爵尚其勉旃可

鎮江都統關世雄管軍五年職事修舉轉
進郎刺史

勅具官某國家分遣禁旅列戍江城京口捍敵行都
最為要近爾以宿將坐槐戎韜威名隱然壁壘靖謐
五年于此宜賞賢勞進刺侯邦是為異寵益思忠報

母替厥初可

慈福宮內人安化郡夫人方氏彭原郡夫人高氏清河郡夫人鄭氏並轉國夫人

胡氏蘇氏張氏並封郡夫人

勅朕承累洽重熙之運奉隆慈備福之尊疇咨女

御之良爰畀恩光之渥具位某氏稟資婉嫕植行柔

嘉選在掖廷蚤備婦官之列事于祖后寔更歲籥之

深屬慶典之吉成演褒綸而建下進封大國

胡氏張氏蘇氏世啓

封名郡蓋懋小心可

煥章閣待制趙不流換正任承宣使知大

宗正事

勅擁東越之魔方騰於吏課糾成周之族有賴於宗

英優加留務之班式寵從臣之舊具官某氣和而智

敏屬近而尊夙分帝胃之華寔歷仕途之久政成京

邑嘗進二於日空身處輔藩訖褒升於次對未奉使

朝之覲俾專屬籍之盟示我異恩超廉車而授職藉

卿宿望壯昭石以承休是日當才奚勞多訓可

修職即鄭守仁賀正旦使親屬循一資

勅具官某爾父頃使敵國爾雖不與行役而善於子

職使者行不內顧而居者得所安勞還之初亦被醜

賞舉行於今尚其祗服可

脩職即李良臣奉使書狀官循兩資

勅具官某歲遣信使修聘殊隣凡與驅馳均有勞還
之賞矧以鈐槩為職潤色使華疊進選階於汝何吝
可

慶壽詔書宗子年八十以上使臣年八十以上

願致仕者並轉一官定詞

勅具官某朕以正月上日奉 祖后萬年之觴需澤

四方及人之老尔在屬籍春秋益高進以一階用華晚

節使臣云爾在左列引年告
等是為優恩可

宗子汝种典昉補承信郎

勅其等爾在屬籍逢時覃霈能以文藝自取科級子
之武爵尚其勉旃可

淮東提舉陳摠之創立紹熙堰除直秘閣

勅具官某水利本以惠農常平使者之職也爾使淮
東善於其職建議任責迄觀厥成仔來以圖如指諸
掌閉縱隨時條流有序綿亘及數百里之遠灌溉為
千萬頃之利農商俱濟旱澇無虞使容漕運之往來
咸有賴焉謝安為隸人以召伯名之尔通敏有餘不
擾而辨名以紹熙淮民不汝忘也寓直中祕以寵汝
勸朕所以待汝者何止是哉可

姚槩知邕州

勅具官某南晋深入嶺右控制蠻方唐則分建吾管
今亦併護數州權任亞於連帥選侯顧不重哉以爾

爾莅官不苟有趨事赴功之心治施興靖威聲績班班可紀今又命爾以此邦固圉寧民尚其勉哉可

大理少卿許反之權禮部侍郎

勅廷尉天下之平游居於鄉列宗伯春官之二徑入於從班是日異息實由親擢具官某才兼數器識綜九流蚤以多文之儒務為有用之學方彈冠之伊始已脫穎而不凡禁闥拾遺得貞諫官之譽藩方作牧有古良將之風比因奉最之歸俾筵明刑之惟慶需既行之後當郊禋再舉之時儀曹久虛禮典誰屬釋爾平反之重參予制作之司有功過于張之賢朕所知者虞舜命夷夔之事汝則兼之益勉告猶斯為稱

職可

勅具官某襄漢將漕之寄雖所部不過數州而實兼

諸司之職控制邊要仍居上游不輕以授人也亦起世家能以儒雅飾吏事嘗守中伯隨侯之國又三使于蜀矣萬里召還復昇華節惟爾鼻祖致身九卿以相鄉之嗇夫為漢世之循吏爾其苗裔當慕前烈以此位而行志豈不易於一嗇夫哉可

訓武郎監權貨務陳仲堅收越增羨轉一官

勅具官某權筦之重總于中都爾能其官歲入贏羨加之命秩以勸後來可

倉部郎中鄭澍大理少卿

勅具官某國家刑辟之寄總於廷尉而職則分任焉使習憲章者視獄之成而審听囚徒必命儒者臨之其旨深矣尔少而發藻善為詞章立朝有鯁亮之称治民有循良之效總餉江左威譽日聳即潛未久昇爾臬事能深知設官分職之旨斯無負今日推擇之意往贊而長亦惟欽哉可

起居郎陳傳良祕閣修撰

嘉王府贊讀

勅具官某漢四皓起商山羽翼之功千古稱之朕則歎焉使高帝能以卑辭厚禮聘之以輔其子則善矣爾以一世名儒羽儀于朝抗議不回引去甚亟爾與

吾兒游舊矣爾既厭直承明之廬予亦閱勞以侍從之事寵之祕撰之寓職未為朱邱之賓僚尚溢其行庸副虛佇可

帶御器械霍汝翼復元官轉觀察使

勅具官某侍御之臣苟曠濼而必罰歲時既久俾牽復以自新爾舊服禁嚴雅稱詳謹佩侯邦之組綬官簿寢高屬宸陛之橐鞬戎容甚肅頃懲慢弛知務省循况更改典之條徑投廉車之秩益思恭恪以對寵光可

文林郎張允中該修

壽皇玉牒循一資

勅具官某寶牒成書嘗頒醲賞供刀筆亦與進官毋

曰例遷其思所報可

前知建昌軍趙彥禮拖欠月椿錢降一官
勅具官某旰江本右佳郡一人壞之毒流至今爾自
力於政而承積弊於二十餘年之後給餉有闕無所
歸咎稍鑄一秩以敬後來可

沈合知岳州

勅具官某岳陽據荆楚之要郡雖小而地望寬重焉
爾清約詳練資歷寢深惟爾元舊鎮長沙威望凜然
父老類能道之試郡云初毋忝家声則知共理之意
可

趙不過江西提舉

勅具官某爾頃以吏課之優為郎起部出守輔郡蔚
然有聞江右歛散之重俾爾持節以臨之昆第三人
少則俱列於儒科今又分道而為使者遠有光華宗
盟之美談也其勉爾事以稱所蒙可

Vertical columns of text in a traditional Chinese manuscript format, likely containing a list or index. The text is arranged in approximately 12 columns, with the rightmost column being the narrowest and the leftmost being the widest. The characters are small and densely packed.



